



UNIVERSITÄTS-
BIBLIOTHEK
PADERBORN

Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Epigramma 16. Ioannes ipse lactens, lactentem lesvm adloquitur.

[urn:nbn:de:hbz:466:1-70001](#)

Epigramma 14.

Ioannis gloria & fama super montana
celebratur, qui deinde in monta-
nis egit rupibus.

Echo Ioannis famâ resonat.

Fama Palæstinis quæ diditur inclita campis,
Plaudit iò! & mundi gaudia fera sonat,
Rupibus adludit, quæ nescio, vocis imago;
Visa loqui: duris adsonat ista petris,
Credibile est resonæ volui yaga iubila famæ
Clamat, iò! iò! conscia: natus, iò!
Natus Iōannes, & par his montibus iò!
Natus, iò! concors petra reclamat iò!
Responsatque cauis Echo facunda sub antris,
Et moriens animat murmur utrumque sonum.
Haud equidem miror, quod iam miratur Idume:
Si petra, ceu famæ consona lingua, canat.
Vox rupem seros si dura sequetur in annos,
Iam vocem rupes nollet amica sequi?

Epigramma. 15.

Elisabetham Ioannes suo partu
illustrat.

Quem pariens perdat nocuâ de prole decorem,
In Gnato genitrix seruat Elisa suo.
Stirpis enim damnum redimit, flos pulcher, alumnus;
Virginei floris fructus hic instar erit.

Epigramma 16.

Ioantes ipse lactens, lactentem
I E S V M adloquitur.

Ladæa Virginæ turgescit vena mamillæ,
Et grauido prægnans fonte pupilla salit.

Magno

Magne puer, bibulis vitæ duc pabula venis;
 Et bibe nectareo pocula mista fauo.
 Quas ô! delicias duces puer alme labellis?
 Quale tuo & ducet nectar ab ore parens!
 Nardinus his adspirat odor, mihi crede, mamillis:
 Aut, si quis nardo suauior, halat odor.
 Quin & amor blando tua suauia condit amomo;
 Condit & ambrosio grata labella croco.
 Attigero tantum pueri, matrisque labellum;
 Quæ bibat hinc duplum mel, ero diues apis.

Epigram. 17.

Ioannes puer in desertum secedit.

AD IOANNEM.

Ceu turtur vacuis gemis exsul, & orbus in oris,
 Et fugis antiquos parvulus erro lares.
 Fallere; te nudis si degere credis arenis:
 Hic tua quidquid obit planta, perennè viret.

Epigramma 18.

**Ioannes locustis & amaro melle
 pascitur.**

INde struit mactam locusta miserrima coenam,
 Adstruit hinc vntum mellis alumna penu.
 Illa dapes, haec poela glabris apponit arenis.
 Mors sed amara dapes, mel & amaror habet.
 Has tamen hinc epulas conuiua beatus adornas,
 Prae quibus & Medas despiciat aula dapes.

A L I V D.

OMihi dic, qui Cœlitum noua gaudia libas
 Melle, quod alma mero nectare condat Apis; (a)
 Haec Apis an terris sata? num magis edita cœlo est?
 Hic quoque sidus Apis, quæ tibi nectar alat.
 (a) Est ad polum Antarcticum Apis nonum si-
 dus Astrologis.

M ij

ALIVD.